



LEKSYON 6

ANG MGA BASAHON SA BAG-ONG PAKIGSAAD



Mga Basahon sa Bag-ong Pakigsaad

Ika-98 nga Buluhaton

Ipaluma ang imong kamot diha sa papel ug kopyaha kini. Basaha ang mga ngalan sa mga basahon sa bag-ong pakigsaad nga ana sa sunod nga kwadro.



Mateo Markos Lukas Juan	MAAYONG BALITA
Mga Buhat Kasaysayan	
Taga Roma 1 & 2 Taga Corinto Taga Galatia Taga Efeso Taga Filipinos 1 & 2 Tesalonica 1 & 2 Timoteo Tito Filemon Mga Hebrew	SINULAT NI PABLO UG SINULAT ALANG SA TANAN
Santiago 1 & 2 Pedro 1 2 & 3 Juan Judas	
Pinadayag — Panagna	

Ika-99 nga Pangutana

Ma.
4 ka basahon
Ka.
1 ka basahon
Si.
14 ka basahon
Si.
7 ka basahon
Pa.
1 ka basahon
.... Tanan ka
basahon

Tubag 99



Ang 4 ka mga basahon sa Maayong Balita

Si Mateo, Marcos, Lucas, ug Juan nag-sulat mahitungod sa kinabuhi ni Cristo diha sa mga basahon sa maayong balita nga nag-dala usab sa ilang ngalan. Ang matag-usa nagkalainlain ang ilang gihatagan ug gibug-aton.

Ika-100 nga Pangutana ug Buluhaton

Ang mga magsusulat sa maayong balita usahay gitawag nga Upat ka mga Ebanghelista. Kini sila mao si M M L ug J Pagbansay ug pakli sa imong Biblia ngadto niining upat ka mga basahon sa maayong balita.

Tubag 100

Ang 4 ka mga Basahon sa Maayong Balita

Si Mateo nagpadayag kang Jesus ingon nga Hari o Mesias. Pinaagi sa pagkutlo sa mga panagna sa Daang Pakigsaad iyang gipakita kon giunsa pagkatuman ang mga panagna sa kasulatan mahitungod kang Jesus.

Ika-101 nga Buluhaton

Ang basahon sa Maayong Balita nga nagakutlo sa daghang mga panagna sa daang pakigsaad aron pagpaila nga si Jesus mao ang gipaabut nga Hari mao ang sinulat ni

a) Mateo
b) Marcos
c) Lucas
d) Juan

Tubag 101



Mga Basahon sa Bag-ong Pakigsaad

Ang ka mga Basahon sa Maayong Balita

Si Marcos nagsulat sa mga Romanhon, nga wala pa masayud sa kasulatan. Gisulat niya ang mga dili kasarangang buhat sa iyang pagpaila kang Jesus ingon nga Alagad sa Dios.

Ika-102 nga Pangutana

Ang basahon sa Maayong Balita nga gisulat ni Marcos puno sa mga

- Panagna gikan sa Daang Pakigsaad.
- Wali ni Jesus.
- Dili kasarangang buhat ni Jesus.
- Pamatuod sa pagka-Dios ni Jesus.

Tubag 102

Ang ka mga Basahon sa Maayong Balita

Si Lucas nga usa ka mananambal nagsulat sa iyang basahon sa usa ka higala nga Griego. Iyang gihatagan ug gibug-aton ang pagpahayag kang Cristo ingon nga tawo. Sa ingon niini, gipadayag niya si Jesus ingon nga Anak sa Tawo.

Ika-103 nga Buluhaton ug Pangutana

Basaha ang Lucas 1:1-4. Makita nato dinhi nga gipasikad ni Lucas ang iyang gisulat diha sa

- mga sulti-sulti sa uban o mga sulting balak.
- iyang kaugalingong kasinatian ingon nga usa ka tinun-an.
- kaugalingong pagsusi sa mga kamatuoran inubanan sa pagpaki-sayud gikan sa mga nakakita ug nakadungog gayud kang Jesus.

Tubag 103



Ang ka mga Basahon sa Maayong Balita

Si Juan nagahatag sa mga kamatuoran nga si Jesus Anak sa Dios ug kadtong magasalig kaniya adunay kinabuhing walay katapusan.

Ika-104 nga Buluhaton ug Pangutana

Basaha ang Juan 20:30, 31. Gipasabot ni Juan dinhi nga nagsulat siya aron ang mga magbabasa magasalig kang Jesus ingon nga

- a) matuod nga tawo, ug nga kinahanglan nga magasunod kaniya.
- b) Anak sa Dios, ug makabaton sa kinabuhing walay katapusan diha kaniya.

Tubag 104

Ang ka mga Basahon sa Maayong Balita

Ang mga sinulat ni Mateo, Marcos, ug Lucas gitawag nga "synoptic gospels," tungod kay managsama man ang mga hitabo nga ilang gisaysay. Kini sila nagahatag sa mga importanteng hitabo sa kinabuhi ni Jesus.

Ika-105 nga Pangutana

Isulat ang ngalan sa basahon sa Maayong balita tupad sa kinaiya o kahintang ni Jesus nga gihatagan ug gibug-aton

Ang Pagkahari

Alagad sa Dios

Anak sa Tawo

Anak sa Dios

Tubag 105



Mga Basahon sa Bag-ong Pakigsaad

Ang Basahon sa

Kasaysayan

Gisulat ni Lucas ang Mga Buhat sa mga Apostoles aron pag-sulti kon giunsa pag-padala ni Cristo ang Espiritu Santo nga maoy nagpadayon sa iyang buluhaton dinhi sa kalibutan human sa iyang pagbalik ngadto sa langit.

Ika-106 nga Buluhaton

Ang dugokan nga ber-sikulo makita sa Buhat 1:8. Sag-uloha kini: Apan kamo magadawat hinoon ug gahum sa diha nga kakunsaran kamo sa Espiritu Santo. Mga Buhat 1:8



Ang Basahon sa

Kasaysayan

Ang pulong “Apostol” nagapasabot nga “pinadala” o “usa nga gipadala”. Ang basahon sa mga Buhat nagahisgut kon giunsa sa mga pinadala” sa Dios pag-mantala sa Maayong Balita ngadto sa mga katawhan.

Ika-107 nga Pangutana

Ang ulohan nga Mga Buhat sa mga Apostoles nagapasabot nga

- Mga Buhat sa mga sumusunod.
- Mga Buhat sa mga pinadala.
- Mga Buhat sa mga tinugyanan.
- Mga Buhat sa mga pangulo.

Tubag 107



Basahon sa Kasaysayan

Si Pablo nga Apostol alang sa mga Gentil nagwali ngadto sa daghang mga kanasuran. Si Lucas mi-uban kaniya sa uban niyang mga biyahe ug nagsulti siya sa ilang malipayong mga pagpamuhat ingon nga misyonero.

Ika-108 nga Pangutana

Si L..... nga manambal, ug usa ka magsusulat sa kasaysayan miuban kang Pablo ngadto sa G..... sa iyang pagpamuhat ingon nga misyonero. Nagasulti siya kon giunsa paggamit sa Espiritu Santo si Pablo aron pagsugod sa Iglesia nga Cristohanon sa nagkalainlaing kanasuran.

Tubag 108

Mga Sinulat ni Pablo

Napulog-tulo o napulog upat ka mga Sinulat ang gisulat ni Pablo. Kasagaran kanila gisulat alang sa mga iglesia nga iyang natukod. Dili kaayo kita seguro kon siya ba usab ang nagsulat sa Mga Hebreohanon.

Ika-109 nga Buluhaton

Kopyaha kini nga listahan sa mga sinulat ni Pablo

Mga Taga-Roma

1 ug 2 Mga Taga-Corinto

Mga Taga-Galacia

Mga Taga-Efeso

Mga Taga-Filipos

Mga Taga-Colosas

1 ug 2 Mga Taga-

Tesalonica

1 ug 2 Timoteo

Tito

Filemon

Mga Hebreohanon



Mga katawhang gitawag ug escriba nagkopya sa kasulatan



Mga Basahon sa Bag-ong Pakigsaad

Mga Sinulat ni Pablo

Tungod kay wala pa man silay mga makina sa pag-imprenta kaniadto, ang mga sinulat gidala aron paga-basahon gikan sa usa ka iglesia ngadto sa laing iglesia. Ug sa matag iglesia gikopya sa mga ginsakopan niini ang maong mga sinulat aron duna silay pagatipigan ug pagatun-an.

Ika-110 nga Pangutana

Aron ang matag iglesia makabaton ug kopya sa mga sinulat ni Pablo kini ilang

- a) Gipa-imprenta ug gipadala ngadto sa mga iglesia
- b) Gikopya pinaagi sa kamot nga pagsulat tungod kay wala pa man niadto'y makina sa pag-imprenta.
- k) giletratohan ug gipangapod-apod

Tubag 110

Mga Sinulat ni Pablo

Ang Mga Taga-Roma adunay tin-aw nga pagpahayag sa kaluwasan. Ang pagkaminatarung pinaagi sa pagtoo maoy dugukan niining basahona.

Ika-111 nga Pangutana

Pangitaa ang mga taga-Roma sa tunga-tunga sa Bag-ong Pakigsaad. Basaha ug linyahi ang mga Taga-Roma 5:1 ang bersikulo nga maoy dugukan niining basahona. Kini nga bersikulo nagasulti kon unsaon pagkaluwas (matarungon sa Dios) pinaagi

- a) sa pagtuman sa mga tulomanon sa simbahan.
- b) sa pagtoo diha kang Ginoong Jesu Cristo.

Tubag 111



Mga Sinulat ni Pablo

Gisulat ni Pablo ang una ug ikaduhang Mga Taga-Corinto ngadto sa iglesia nga iyang gitukod didto sa Corinto. Kini nga mga sinulat mahitungod sa mga suliran bahin sa mga pagtulun-an ug mga pamatasan diha sa maong iglesia.

Ika-112 nga Pangutana

Nagsulat si Pablo ngadto sa Mga Taga R..... mahitungod sa pagkamatarang pinaagi sa pagtoo ug duha ka sulat alang sa mga taga..... mahitungod sa suliran sa ilang iglesia.

Tubag 112

Mga Sinulat ni Pablo

Ang sunod nga sinulat nga mao ang Taga Galacia adunay samang dugukan sa Mga Taga-Roma nga mao ang Pagkamatarung pinaagi sa pagtoo. Kining basahona nagapatin-aw nga walay usa nga maluwas pinaagi sa kaugalingon niyang maayong mga binuhatan.

Ika-113 nga Buluhatan

Basaha ang Galacia 2:16, ang bersikulo nga maoy dugokan niining basahona. Ang pagkamatarang pinaagi sa pagtoo ug dili pinaagi sa maayong mga buhat maoy dugukan sa duha ka mga sinulat ni Pablo nga mao ang;

- a) Mga Taga-Roma ug Mga Taga-Galacia
- b) 1 ug 2 Mga Taga-Corinto
- k) Mga Taga Galacia ug 2 Mga Taga-Corinto

Tubag 113



Ang Mga Basahon sa Bag-ong Pakigsaad

Mga Sinulat ni Pablo

Samtang didto sa bilanggoan si Pablo tungod sa pagwali sa Maayong Balita, nag-sulat siya sa Mga Taga-Efeso, Mga Taga-Filipos, ug Mga Taga-Colosas. Kining mga sulata mahitungod sa Cristohanong kinabuhi.

Ika-114 nga Pangutana

Ang tulo ka mga matahum nga sinulat mahitungod sa Cristohanong kinabuhi nga gipadala ngadto sa mga iglesia gikan sa bilanggoan mao ang

- a) Mga Taga-Roma, 1 ug 2 Mga Taga-Corinto
- b) Mga Taga-Galacia, 1 ug 2 Mga Taga Tesalonica
- k) Mga Taga-Efeso, Mga Taga-Filipos, ug Mga Taga-Colosas
- d) Mateo, Marcos, Lucas.

Tubag 114

Mga Sinulat ni Pablo

Ang Duha ka mga sinulat ngadto sa Mga Taga-Tesalonica naghigut kon unsay mahitabo sa dili pa mobalik si Jesus gikan sa langit. Basaha ang mahitungod sa iyang pagbalik diha sa 1 Mga Taga-Tesalonica 4:13-18.

Ika-115 nga Pangutana

Ang mga sinulat ni Pablo ngadto sa mga iglesia mao ang

- Mga Taga-R.....
- 1 Mga Taga C.....
- 2 Mga Taga C.....
- Mga Taga-G.....
- Mga Taga-E.....
- Mga Taga-F.....
- Mga Taga-C.....
- 1 Mga Taga-T.....
- 2 Mga Taga-T.....

Tubag 115

**Mga Sinulat ni Pablo**

Ang Upat sa mga sinulat ni Pablo gisulat niya ngadto sa iyang suod nga mga higala. Duha ka sulat ngadto kang Timoteo, usa ka sulat ngadto kang Tito ug usa usab ngadto kang Filemon. Ang unang tulo ka sulat nagahisgut mahitungod sa buluhaton sa mga pastor.

Ika-116 nga Pangutana

Si Timoteo ug si Tito maoy mga batan-on nga kabulig ni Pablo sa buluhaton sa Dios. Nagsulat si Pablo kanila mahitungod sa

- a) Kinaiya ug buluhaton sa usa ka pastor.
- b) Pagkamatarung pinaagi sa pagtoo.
- k) Pagbalik ni Cristo.

Tubag 116

Mga Sinulat ni Pablo

Sa wala pa lunggoi sa ulo sa Pablo tungod sa causa ni Cristo, gisulat niya ang katapusan niyang sulat ngadto kang Timoteo nga nagadasig kaniya sa pagkamaminatud-on diha sa buluhaton sa Dios. Basaha ang 2 Timoteo 4:5-8.

Ika-117 nga pangutana

Asa sa mga sinulat ni Pablo ang iyang katapusang gisulat sa wala pa siya hukmi sa kamatayon.

- a) 1 Timoteo
- b) 2 Timoteo
- k) Tito
- d) Filemon

Tubag 117



Ang Mga Basahon sa Bag-ong Pakigsaad

Mga Sinulat ni Pablo

Si Onesimo, ang mika-lagiw nga ulipon ni Filemon, naluwas didto sa sulod sa bilangoan uban ni Pablo. Misulat si Pablo ngadto kang Filemon aron pagpangayo ug pasaylo alang kang Onesimo ug aron dawaton siya ingon nga igsoon diha kang Cristo.

Ika-118 nga Pangutana

Isulat ang mga ngalan sa upat ka mga sinulat ni Pablo ngadto sa iyang suod nga mga higala. Lin-yahi ang usa nga nagahis-gut mahitungod sa makalagiw nga ulipon.

Tubag 118

Mga Sinulat ni Pablo

Ang dugokan sa basahong Mga Hebreohanon mao ang “pagkamayo pa” o “labaw pa.” Kini gipadala ngadto sa mga Cristohanon nga Hebreohanon aron pagpakita kanila kon unsa ka labaw pa ang bag-ong pakigsaad diha sa ebanghelyo kay sa kasugoan nga anaa sa Daang Pakigsaad

Ika-119 nga Pangutana

Ang pagkamaayo labaw pa sa bag-ong pakigsaad diha sa ebanghelyo kay sa kasugoan sa daang pakigsaad maoy dugokan sa

- a) Taga-Roma
- b) 1 Corinto
- k) Mga Hebreohanon
- d) 1 Timoteo
- e) Filemon
- g) Tito

Tubag 119





Mga Sinulat ni Pablo

Ang Hebreohanon nagapakita nga ang tanang simbolo diha sa mga tulumanon ug mga paghalad sa balaod nagahulagway kang Cristo Jesus, nga mao ang matuod nga halad sa atong kasalanan ug mao ang atong labing dakung Sacerdote.

Ika-120 nga Buluhaton

Isulat sa sunod sunod gayud ang mga ngalan sa mga basahon sa 4 ka mga Maayong Balita, ang 9 ka mga sinulat ni Pablo ngadto sa Iglesya, ug upat niya ka sinulat ngadto sa iyang suod nge mga higala ug ang basahon alang sa mga Hebreohanon. Itandi kini imong gisulat sa mga basahon nga anaa sa imong Biblia.

Tubag 120



Mga Sinulat nga Alang sa Tanan

Ang mga sinulat ni Pablo nagagamit sa mga ngalan sa gisulatan ingon nga ulohan. Apan kining mga Sinulat nga Alang sa Tanan nagadala sa mga ngalan sa nagsulat.

Ika-121 nga Pangutana

Pangitaa kini nga mga sinulat diha sa imong Biblia: Santiago; 1 ug 2 Pedro; 1, 2 ug 3 Juan; Judas. Kini nga mga sinulat ginganlan tungod sa

- mga tawo nga nagdawat niini.
- mga tawo nga nagsulat niini.

Tubag 121



Ang Mga Basahon sa Bag-ong Pakigsaad

Mga Sinulat nga alang sa Tanan

Kini nga si Santiago maoy pastor sa iglesia sa Jerusalem ug nama-tud-an nga igsoon ni Jesus. Si Santiago nga igsoon ni Juan niining panahona nalunggoan na man sa ulo.

Ika-122 nga Buluhaton ug Pangutana

Duha ka managsoon ang nahiapil sa mga magsusulat nga misulat sa Mga Sinulat nga Alang sa Tanan. Basaha ang Mateo 13:55 ug Judas 1. Kini sila mao

- a) si Pedro ug si Juan
- b) si Santiago ug si Juan
- k) si Santiago ug si Judas

Tubag 122

Mga Sinulat nga Alang sa Tanan

Si Santiago nagatudlo nga ang buhing pagtoo diha kang Cristo magabungga ug maayong mga buhat. Dili makaluwas ang atong mga buhat apan kon luwas na kita, magabuhay gayud kita sa atong mahimo alang sa Dios ug sa Iyang mga katawhan.

Ika-123 nga Buluhaton ug Pangutana

Pangitaa ug basaha ang Santiago 1:22; 2:20. Dinhi gitudlo ni Santiago nga

- a) kita nangaluwas pinaagi sa buhat, ug dili pinaagi sa pagtoo.
- b) ang buhi nga pagtoo nagabungga ug maayong mga buhat.
- k) walay sapayan kon unsaon nato ang pagkinabuhi.
- d) ang pagtoo nga walay buhat maayo lang giha-pon.

Tubag 123



Mga Sinulat nga Alang sa Tanan

Ang sinulat ni Pedro nagadasig sa mga Cris-tohanon nga anaa sa pag-antus. Iyang gipa-hinumdoman sila nga ang Ginoo mobalik da ug magaganti kanila sa ilang pagkamatinu-manon.

Ika-124 nga Pangutana

Ang pito ka mga Sinulat nga Alang sa Tanan mao ang

- S
- 1 ug 2
- 1, 2 ug 3 Juan
- Judas

Tubag 124

Mga Sinulat nga Alang sa Tanan

Si Juan ang hinigug mang tinun-an sa Ginoo maoy labing taas ug kinabuhi sa napulog-duha ka mga apostoles. Nagsulat siya sa 5 ka mga basa-hon sa Biblia: ang usa mao ang Maayong Ba-lita, sumala ni Juan, 3 ka mga Sinulat ug ang Pinadayag.

Ika-125 nga Pangutana

Ang 3 ka mga Sinulat ni Juan gisulat ni

- a) Juan Bautista
- b) John Wesley
- k) Juan, ang hinigugma nga tinun-an
- d) Papa Juan XXIII
- e) John Bunyan

Tubag 125



Ang Mga Basahon sa Bag-ong Pakigsaad

Mga Sinulat nga Alang sa Tanan

Si Juan nga Hinigugma nagahimo sa Cristohanong gugma ingon nga maoy dugokan sa iyang tulo ka mga sulat. Ang gugma sa Dios nga anaa kanato nagatabang kanato sa paghigugma sa uban.

Ika-126 nga Pangutana

Ihatag ang ngalan sa mag-susulat tupad sa dugokan sa iyang sinulat

.... Pagkamatarung pinaagi sa pagtoo

..... Ang pagtoo nagabunga ug maayong mga buhat

.... Pagdasig sa mga Cristohanon nga anaa sa pag-antus

..... Cristohanong gugma

Tubag 126

Mga Sinulat nga Alang sa Tanan

Ang sulat ni Judas maoy katapusan ug kinamub-an sa tanang mga sinulat. Nagapasidaan siya batok sa sayop nga pagtulun-an ug nagahisgut mahitungod sa pagbalik ni Jesus aron paghukom sa kalibutan.

Ika-127 nga Pangutana

Isulat ang ngalan sa 7 ka mga basahon sa Mga Sinulat nga Alang sa Tanan. Linyahi ang labing mubo sa tanang basahon nga anaa sa Biblia.

Tubag 127

**Basahon sa Panagna**

Ang Pinadayag nagapadayag sa umalabot. Ang mga makahuloganong pananawon susama sa makita sa Basahon ni Daniel.

Ika-128 nga Pangutana

Ang duha ka basahon nga susama kaayo ug mga makahuloganong hulagway mahitungod sa mga kagubot sa kalibutan, ang paghari sa Anti-Cristo ug ang kadaugan ni Cristo mao ang

- a) Isaias ug 1 Pedro
- b) Daniel ug Pinadayag
- k) Ezequiel ug Pinadayag

Tubag 128

Basahon sa Panagna

Sa pagkatigulang na ni Juan nahimo siyang binilango sa isla sa Patmos, ug didto nakita niya ang pananawon mahitungod sa ulahing mga adlaw, sa langit ug sa umaabot nga Ginghamarian sa Dios.

Ika-129 nga Buluhaton ug Pangutana

Basaha ang Pinadayag kapitulo 1, 21, 22. Unsa may imong gibati sa pagbasa mo niining mga kapitulo? Nalipay ka ba nga si Cristo hapit na mobalik? Ang pag-ampo ni Juan nga anaa sa 22:20 mao ba usab ang imong pag-ampo? Pag-ampo sa Dios nga tabangan ka Niya sa paghinumdom niini sa imong pagkinabuhi ug pagpamuhat alang kaniya.






Ang Mga Basahon sa Bag-ong Pakigsaad

Sa ingon nga ang pag-padayag ni Cristo nag-himo sa Patmos nga sama sa usa ka pul-tahan sa langit alang kang Juan, nagadala usab kini ug kahayag sa atong kangitngit, kalipay sa atong mga kinabuhi ug paglaum sa atong nagkaguliyang nga kalibutan.

Ika-130 nga Buluhaton

1. Pagbansay ug pakli sa nagkalainlaing basahon diha sa Biblia.
2. Pagbansay ug sulat sa mga ngalan sa mga basahon sa Biblia sa sunod-sunod gayud hangtud masulat mo na kini nga walay sayop.
3. Tan-awa ang imong "Rekord sa Estudyante."



MGA HUSTONG TUBAG ALANG SA LEKSYON 6

Ika-99 nga Tubag

Maayong Balita
Kasaysayan
Mga Sinulat ni Pablo
Mga Sinulat nga alang
sa Tanan
Panagna
27

Ika-100 nga tubag

Mateo
Marcos
Lucas
Juan

Ika-101 nga Tubag

a) Mateo

Ika-102 nga Tubag

k) Dili kasara-
ngang buhat ni
Jesus.

Ika-103 nga Tubag

k) kaugalingong
pagsusi sa mga ka-
matuoran inubanan
sa pagpakisayud gi-
kan sa mga nakakita
ug nakadungong
gayud kang Jesus.

Ika-104 nga Tubag

b) Anak sa Dios, ug
makabaton sa kina-
buhing walay kata-
pusan diha kaniya.

Ika-105 nga Tubag

Pagkahari: Mateo
Alagad: Marcos
Anak sa Tawo: Lucas
Anak sa Dios Juan

Ika-107 nga tubag

b) Mga Buhat sa pinadala



MGA HUSTONG TUBAG ALANG SA LEKSYON 6

Ika-108 nga Tubag

Lucas
Gentil

Ika-110 nga Tubag

b) gikopya pinaagi sa kamot nga pag-sulat tungod kay wala pa man niad-to'y mga makina sa pag-imprinta.

Ika-111 nga Tubag

b) sa pagtoo diha kang Ginoong JesuCristo

Ika-112 nga Tubag

Roma
Corinto

Ika-113 nga Tubag

a) Mga Taga-Roma ug Mga Taga-Galacia

Ika-114 nga Tubag

k) Mga Taga-Efeso, Mga Taga Filipos ug mga Taga-Colosas

Ika-115 nga Tubag

Mga Taga-Roma, 1 ug 2 Mga Taga-Corinto, Mga Taga-Galacia, Mga Taga-Efeso, Mga Taga-Filipos, Mga Taga-Colosas, 1 ug 2 Mga Taga-Tesalonica

Ika-116 nga Tubag

a) Kinaiya ug bulu-haton sa usa ka pas-tor

Ika-117 nga Tubag

k) 2 Timoteo

Ika-118 nga Tubag

I Timoteo
I Timoteo
Tito
Filemon

Ika-119 nga Tubag

k) Mga Hebreohanon

Ika-121 nga Tubag

b) mga tawo nga nagsulat niini.

Ika-122 nga Tubag

k) si Santiago ug si Judas

Ika-123 nga Tubag

b) ang buhi nga pagtoo nagabunga ug maayong mga buhat

Ika-124 nga Tubag

Santiago
1 ug 2 Pedro

Ika-125 nga Tubag

k) Juan, ang hini-gugma nga tinun-an

Ika-126 nga Tubag

Pablo — Pagkamata rungon
Santiago — Pagtoo ug Buhat
Pedro — Pagdasig
Juan — Gugma

Ika-127 nga Tubag

Santiago
1 ug 2 Pedro
1, 2 ug 3 Juan
Judas

Ika-128 nga Tubag

b) Daniel ug Pinadayag